



CABINET

COFNODION Y CYFARFOD A GYNHALIWDYD YN NHŶ PENALLTA, TREDOMEN AR DDYDD MERCHER, 13EG RHAGFYR 2017 AM 2.00 P.M.

YN BRESENNOL

Y Cynghorydd D. Poole - Cadeirydd

Cynghorwyr:

N. George (Gwasanaethau'r Gymdogaeth), C.J. Gordon (Gwasanaethau Corfforaethol), B.A. Jones (Cyllid, Perfformiad a Llywodraethu), P. Marsden (Addysg a Chyflawniad), S. Morgan (Economi, Isadeiledd a Chynaliadwyedd), L. Phipps (Cartrefi a Lleoedd) a E. Stenner (Yr Amgylchedd a Diogelwch y Cyhoedd).

Ar y cyd gyda:

C. Burns (Prif Weithredwr Dro Dro), C. Harrhy (Cyfarwyddwr Corfforaethol - Cymunedau) a D. Street (Cyfarwyddwr Corfforaethol – Gwasanaethau Cymdeithasol).

Hefyd yn Bresennol:

R. Hartshorn (Pennaeth Diogelwch y Cyhoedd), M. Godfrey (Arweinydd Tîm - Iechyd yr Amgylchedd), J. Reynolds (Rheolwr Chwaraeon a Chyfleusterau Hamdden), S. Harris (Pennaeth Cyllid Corfforaethol Dros Dro) a C. Evans (Gwasanaethau Pwyllgor)

1. YMDDIHEURIADAU DROS ABSENOLDEB

Derbyniwyd ymddiheuriadau am absenoldeb gan y Cynghorwyr C.J.Cuss (Gofal Cymdeithasol a Lles) a N. Scammell (Cyfarwyddwr Gwasanaethau Corfforaethol Dros Dro a Swyddog Adran 151).

2. DATGANIADAU O DDIDDORDEB

Datganodd y Cynghorydd C. Gordon ddiddordeb yn yr eitem sy'n ymwneud â Dyfodol Canolfan Hamdden Pontllan-fraith . Mae manylion wedi eu cofnodi gyda'r eitem berthnasol.

3. CABINET - 15FED TACHWEDD 2017

PENDERFYNWYD cymeradwyo cofnodion y cyfarfod a gynhaliwyd ar 15fed Tachwedd 2017 (rhifau cofnod. 1 -7) a'i lofnodi fel cofnod cywir.

MATERION SYDD ANGEN PENDERFYNIADAU GWEITHREDOL

4. CYNLLUN GWEITHREDU ANSAWDD AER HAFOD-YR-YNYS.

Roedd yr adroddiad yn darparu'r Cabinet gyda'r diweddaraf ar ddatblygiad Cynllun Gweithredu Ansawdd Aer Hafod-Yr-Ynys a drafft terfynol CGAA.

Nododd y Cabinet fod yr amcanion ansawdd aer nitrogen deuocsid cenedlaethol yn mynd tu hwnt i'r cyfarwyddyd ar leoliadau derbynyddion ar Heol Hafod-Yr-Ynys. Mae'n ofynnol i'r awdurdod lleol ddynodi unrhyw faes sy'n methu amcanion ansawdd aer cenedlaethol fel Ardal Rheoli Ansawdd Aer a chynhyrchu ARhAA sy'n nodi mesurau i ddod â'r llygrwr yn ôl o fewn terfynau.

Mae'r Cynllun Gweithredu Ansawdd Aer ar gyfer Hafod-Yr-Ynys wedi bod drwy'r broses ymgynghori gyhoeddus. Manylwyd ar y 21 ymateb a dderbyniwyd yn Atodiad 2 o'r adroddiad. Yn dilyn y broses ymgynghori ac yng ngoleuni'r ymatebion, mae drafft terfynol y CGAA wedi'i ddiweddarau a'i atodi i'r adroddiad. Er nad yw'r ymatebion i'r ymgynghoriad sydd wedi'u derbyn wedi newid cynnwys cyffredinol y cynllun, gwnaed mân newidiadau.

Datganwyd Ardal Rheoli Ansawdd Aer Hafod-Yr-Ynys ym mis Tachwedd 2013 yn dilyn Asesiad Manwl a oedd yn cadarnhau bod y canlyniadau monitro yn parhau i fethu â'r amcan ansawdd aer ar gyfer nitrogen deuocsid. Cynhaliwyd Adroddiad Asesu Pellach a'i gyflwyno i Lywodraeth Cymru ym mis Ebrill 2015. Ymgwymerwyd â monitro, modelu ac asesu ansawdd aer pellach ar ôl cwblhau gwelliannau Cyffordd Crymlyn gwerth £1.3 miliwn.

Cynhaliwyd cyfarfod grŵp llywio ansawdd aer gyda thrigolion Hafod-yr-ynys a rhanddeiliaid allweddol ar 9 Mawrth 2017 lle bu swyddogion yr awdurdod yn trafod cynnwys y cynllun gweithredu drafft. Dechreuodd y broses ymgynghori drafft ar gynllun gweithredu ansawdd aer ym mis Mehefin 2017 a daeth i ben ar 31 Awst 2017. Derbyniodd y Cyngor 21 ymateb i'r ymgynghoriad a gafodd ei grynhoi yn Atodiad 2 o'r adroddiad. Doedd dim argymhellion i gael gwared ar unrhyw opsiynau arfaethedig. Fodd bynnag, mae rhinweddau'r awgrym gan lechyd Cyhoeddus Cymru y dylid ystyried cyflwyno parth allyriadau isel yn cael eu hasesu o hyd.

Mae Llywodraeth Cymru wedi argymhell bod yr awdurdod yn ymgymryd â monitro traffig ac ansawdd aer ymhellach yn yr ardal er mwyn mireinio'r model ansawdd aer yn well. Derbyniwyd y byddai ansawdd aer a data traffig mwy manwl yn dod â gwell dealltwriaeth o'r sefyllfa welliant presennol, nid yn unig o ran dosraniad ffynhonnell gyffredinol, ond o ran y proffil allyriadau sy'n gysylltiedig â dosbarthiadau cerbydau penodol. O ganlyniad, mae tiwbiau gwasgaru nitrogen deuocsid ychwanegol wedi'u lleoli yn yr ardal ac mae opsiynau ar gyfer gorsaf fonitro ansawdd aer parhaus ychwanegol hefyd yn cael eu harchwilio. Cynhaliwyd arolwg monitro allyriadau yn ddiweddar gyda'r bwriad o ddarparu dadansoddiad o fathau / niferoedd y cerbydau sy'n arwain at fwy o grynodiadau. Mae cynigion ar gyfer arolwg manylach, gan gynnwys cyflymder manwl, hyd ciw a chyfansoddiad fflyd hefyd yn cael eu datblygu ynghyd ag arolwg tarddiad a chyrchfan ar raddfa eang i ddeall defnyddwyr cerbydau'r llwybr a sut y gallai ymddygiad newid o ganlyniad i fesurau posibl.

Yn dilyn ystyriaeth a thrafodaeth, cynigiwyd ac eiliwyd bod yr argymhellion yn yr adroddiad yn cael eu cymeradwyo. Cytunwyd ar hyn yn unfrydol drwy godi dwylo.

PENDERFYNWYD am y rhesymau a gynhwysir yn Adroddiad y Swyddog: -

- (i) fod y Cynllun Gweithredu Ansawdd Aer Hafod-Yr-Ynys drafft, fel yr atodwyd yn yr adroddiad i gael ei nodi;
- (ii) y dylid ceisio am gefnogaeth ariannol gan Lywodraeth Cymru er mwyn ariannu ateb hirdymor

(iii) cyflwyno adroddiad pellach i'r Cabinet ar gyflwyno'r Cynllun Gweithredu.

5. DYFODOL CANOLFAN HAMDDEN PONTLLAN-FRAITH

Datganodd y Cynghorydd C. Gordon ddiddordeb (gan ei fod yn Ddefnyddiwr Gwasanaeth yng Nghanolfan Hamdden Pontllan-fraith) a gadawodd y cyfarfod wrth ystyried yr eitem hon.

Rhoddodd yr adroddiad, a gyflwynwyd i'r Pwyllgor Craffu Adfywio a'r Amgylchedd ar 12fed Rhagfyr 2017 ddiweddariad i'r Cabinet ar ganlyniad yr ymgynghoriad a wnaed mewn perthynas â chau posib Canolfan Hamdden Pontllan-fraith ac i sicrhau penderfyniad ar ddyfodol y ganolfan. Ystyriodd y Cabinet adroddiad ar 20fed Medi 2017 lle penderfynwyd cychwyn ar ymarfer ymgynghori ar gau Canolfan Hamdden Pontllan-fraith ac i ystyried adroddiad pellach ar ôl i'r ymgynghoriad gael ei gwblhau. Argymhellodd y Pwyllgor hefyd pe bai'r cynnig am Gyllid Ysgolion 21^{ain} Ganrif i ddarparu cae 3G yn Ysgol Gyfun Coed Duon yn aflwyddiannus, dylid archwilio ffynonellau cyllid eraill.

Ystyriodd y Cabinet adroddiad ar 20fed Medi 2017 lle penderfynwyd cychwyn ar ymarfer ymgynghori ar gau Canolfan Hamdden Pontllan-fraith ac i ystyried adroddiad pellach ar ôl i'r ymgynghoriad gael ei gwblhau.

Nodwyd bod y broses ymgynghori wedi cychwyn ar 9 Hydref 2017 am gyfnod o 4 wythnos, a ymestynnwyd yn ddiweddarach am bythefnos arall, yn dilyn argymhelliad gan y Pwyllgor Craffu Adfywio a'r Amgylchedd. Roedd y broses ymgynghori yn cynnwys hysbysiadau yn y Ganolfan Hamdden, ffurflenni sylwadau papur, hysbysiad o'r ymgynghoriad ar wefan Cyngor Bwrdeistref Sirol Caerffili, holiadur ar-lein, 2 gyfarfod cyhoeddus, cynigwyd cyfarfodydd gydag Aelodau Ward lleol, hysbyswyd y Cynghorau Cymunedol a Thref yn yr ardal yn gofyn am eu barn, ymgynghori â'r Pwyllgor Craffu Adfywio a'r Amgylchedd a thrafodaethau gyda'r staff a'r Undebau Llafur.

Roedd yr adroddiad yn manylu ar 3 chwestiwn ymgynghori, gan gynnwys effaith cau Canolfan Hamdden Pontllan-fraith ar ddefnyddwyr, p'un a oedd darpariaeth arall ar gael a sut y gellid lleihau effaith y cau ymhellach. Nododd y Cabinet mai rhai o'r themâu allweddol a ddaeth o ganlyniad i'r ymgynghoriad oedd y byddai pobl yn gorfod teithio ymhellach i wasanaethau eraill, colli'r cae 3G ar y safle ac effeithio ar y timau sy'n defnyddio'r safle ar gyfer gemau cystadleuol uwch, effaith twf tai yn yr ardal ar ddarpariaeth gwasanaeth eraill, effaith ar ddefnyddwyr hŷn y cyfleuster ac effaith ar y dosbarthiadau ffitrwydd a ddarperir ar hyn o bryd.

Sicrhodd swyddogion y Cabinet bod gwaith sylweddol wedi cael ei ymgymryd â, yn dilyn yr ymgynghoriad er mwyn cwrdd a mynd i'r afael a phryderon a godwyd, fel dosbarthiadau a chyfleusterau hamdden eraill a adnabuwyd o fewn yr ardal leol, yn ogystal â thrafodaethau parhaus â Chanolfan Hamdden Trecelyn ac Ysgol Gyfun Trecelyn er mwyn darparu ar gyfer dosbarthiadau llawn amser. Mae datblygiad cae 3G yn Ysgol Gyfun Coed Duon wedi cael ei gyflwyno i Lywodraeth Cymru fel rhan o'r cynnig Ysgolion 21^{ain} Ganrif, mae lle i gadw'r cae 3G ar waith tan 31ain Mawrth 2018 a chynnwys gosod rhwystrau ar Gae 3G Ysgol Uwch Islwyn er mwyn cynnal gemau cystadleuol uwch.

Yn ogystal, gofynnwyd i'r Cabinet ystyried cais gan y Cynghorydd K. Etheridge i gynnal refferendwm lleol yn ardal Pontllan-fraith a Choed Duon ar gau'r Ganolfan Hamdden, oherwydd y teimlad cryf a chynrychiolaeth y cyhoedd ar y cynnig. Nododd yr aelodau fod y cynnig hefyd yn cael ei ystyried yn y Pwyllgor Craffu ac na chafodd ei gefnogi. Yn dilyn ystyriaeth y Cabinet, cytunwyd yn unfrydol na fyddai refferendwm yn briodol yn dilyn y broses ymgynghori helaeth a gynhaliwyd.

Diolchodd y Cabinet i'r Swyddogion am yr adroddiad helaeth a gofynnwyd am sicrwydd y cynhaliwyd ymgynghoriad manwl, a bod pob darpariaeth amgen posibl wedi cael ei archwilio,

gan gyfeirio'n benodol at ddsbarthiadau yn ystod y dydd, gan gynnwys loga, sy'n cael ei gyflwyno ar hyn o bryd yn y Ganolfan Hamdden. Sicrhawyd yr Aelodau y gellir cynnwys dosbarth loga yng Nghanolfan Hamdden Trecelyn ac mae trafodaethau pellach ar y gweill gydag Ysgol Gyfun Trecelyn, Ysgol Uwch Islwyn a Sefydliad y Glowyr Coed Duon er mwyn cyfaddasu ar gyfer darpariaeth. Sicrhawyd y Cabinet bod ymgynghoriad wedi cael ei ymgymryd gyda'r defnyddwyr a'r gymuned leol, a lle bo'n bosibl, rhoddwyd darpariaethau mewn lle i liniaru'r effaith ar ddefnyddwyr gwasanaeth.

Yn dilyn ystyriaeth a thrafodaeth, cynigiwyd ac eiliwyd bod yr argymhelliad a gynhwysir yn yr adroddiad yn cael ei gymeradwyo. Cytunwyd ar hyn yn unfrydol drwy godi dwylo.

PENDERFYNWYD am y rhesymau a oedd yn adroddiad y Swyddogion, fod yr argymhellion a wnaed yn yr Archwilad fel yr amlinellwyd yn y cyfarfod:-

- (i) cau Canolfan Hamdden Pontllan-fraith yn cael ei gytuno;
- (ii) mae'r cae 3G yn parhau i gael ei ddefnyddio tan 31ain Mawrth 2017 a bod y rhaglen dymchwel safle yn cael ei reoli i ddarparu ar gyfer hyn;
- (iii) cytunir y dylid gosod rhwystrau ar gae 3G Ysgol Uwch Islwyn i ganiatáu gemau cystadleuol uwch i gael eu chwarae a bod y Gronfa Cyfadran Cymunedau yn cael ei ddefnyddio i ariannu hyn;
- (iv) cymeradwyo'r broses o drosglwyddo archebiadau'r Neuadd Chwaraeon i Ysgol Uwch Islwyn o Ionawr 2018, yn amodol ar gytundeb terfynol Corff Iywodraethol yr ysgol;
- (v) cytunir ar ddatblygu Ffordd Goedwig Cwmcarn i ganiatáu adleoli Gwasanaeth Antur Caerffili;
- (vi) y gwaith ar Safle Cwmcarn (£75mil - £85mil) yn cael ei ariannu gan Gronfa yfadran Cymunedau;
- (vii) y dylai, pe bai'r cynnig am Gyllid Ysgolion 21 ain Ganrif i ddarparu cae 3G yn Ysgol Gyfun Coed Duon yn aflwyddiannus, dylid archwilio ffynonellau cyllid eraill.

6. SAIL TRETH Y CYNGOR 2018-2019

Fe wnaeth yr adroddiad geisio cael cymeradwyaeth y Cabinet ar gyfer cyfrifiad Sylfaen Treth y Cyngor ar gyfer 2018/19.

Sail Treth y Cyngor yw'r swm sy'n ofynnol gan Ddeddf Cyllid Llywodraeth Leol 1992 i'w ddefnyddio wrth gyfrifo Treth y Cyngor. Y sylfaen ar gyfer anheddau y gellir codi tâl arnynt gyda disgownt wedi'i fynegi fel cyfwerth Band D wedi cael ei gyfrifo ar 61,797.95 ar gyfer 2018/19, sy'n gynydd o 0.43% ar 2017/18.

Ar gyfer 2017/18 tybiwyd graddfa gasglu o 97% ac argymhellwyd bod yr un gyfradd yn cael ei ragdybio ar gyfer 2018/19. Bydd hyn yn arwain at ffigwr sylfaenol wedi'i addasu o 59,944.01. Nododd y Cabinet fod yr Awdurdod yn mynd ati'n rhagweithiol yn dilyn ôl-ddyledion Treth y Cyngor a bod gwir ffigwr Treth y Cyngor a gasglwyd fel arfer yn fwy na 99% dros gyfnod o 2 i 3 blynedd.

Mae sylfaen Treth y Cyngor yn un o'r ffactorau a fydd yn pennu Setliad Llywodraeth Leol Terfynol 2018/19, a bydd y manylion yn cael eu cyhoeddi ar 20fed Rhagfyr 2017.

Yn dilyn ystyriaeth a thrafodaeth, cynigiwyd ac eiliwyd bod yr argymhelliad yn yr adroddiad yn

cael ei gymeradwyo. Cytunwyd ar hyn yn unfrydol drwy godi dwylo.

PENDERFYNWYD am y rhesymau a gynhwysir yn Adroddiad y Swyddog: -

- (i) mae'r gyfradd casglu Treth y Cyngor o 97% yn aros yr un peth ar gyfer 2017/18;
- (iii) Sylfaen Treth y Cyngor am y flwyddyn 2018/19 fydd £59,994.01, gyda Sylfaen Treth y Cyngor ar gyfer pob ardal cyngor cymuned fel yr amlinellir ym mharagraff 4.4.

7. ADRODDIAD MONITRO CYLLIDEB REFENIW AWDURDOD CYFAN CANOL-BLWYDDYN 2017/18

Roedd yr adroddiad yn rhoi manylion i'r Cabinet am wariant refeniw cyllid awdurdod cyfan rhagamcanedig ar gyfer blwyddyn ariannol 2017/18.

Nododd y Cabinet fod yr adroddiad wedi cael ei drafod yn fanwl yn y Pwyllgor Craffu a themlai'r Pwyllgor nad oedd digon o ymgynghoriad wedi'i gynnal gydag Aelodau'r Ward ynghylch y bwriad i gau. Fodd bynnag, pwysleisiwyd bod y rhan fwyaf o'r tanwariant hwn yn deillio o swyddi gwag sy'n cael eu cynnal i gefnogi gofynion arbedion Cynllun Ariannol Tymor Canolig yn y Gyfadran Gwasanaethau Corfforaethol yn y dyfodol, ac o danwariant mawr o £1311m mewn Cyllid Amrywiol yn bennaf oherwydd bod gofynion benthyca yn cael eu gohirio ac enillion gwell ar fuddsoddiadau.

Nododd y Cabinet hefyd y rhagwelir gorwariant mewn Addysg a Dysgu Gydol Oes a Gwasanaethau Cymdeithasol, sy'n dangos bod y sefyllfa ariannol bellach yn dod yn llawer mwy heriol. Rhoddodd yr adroddiad fanylion sylweddol ar y gorwariant a ragamcanwyd a thanwariant ar draws meysydd gwasanaeth ac amlygodd y Pennaeth Cyllid Corfforaethol Dros Dro'r meysydd hynny lle rhagwelir y gorwariant mwyaf arwyddocaol.

Roedd y cyllidebau a gymeradwywyd ar gyfer 2016/17 a 2017/18 yn cynnwys twf cyfanswm o £6m i'r Gwasanaethau Cymdeithasol. Fodd bynnag, rhagamcanir gorwariant cyffredinol o £1.520m ar hyn o bryd ar gyfer y Gyfadran. Yr ardal gorwariant mwyaf arwyddocaol yn ymwneud â lleoliadau plant lle rhagwelir y bydd gwariant ar hyn o bryd yn fwy na chyllidebau o £2.754m. Mae'r rhagolwg hwn yn tybio y bydd yr holl leoliadau presennol yn parhau mewn lle trwy gydol y flwyddyn ariannol ond bydd pob ymdrech yn parhau i gael ei wneud i nodi trefniadau mwy cost effeithiol lle bynnag y bo modd.

Ar hyn o bryd mae Addysg a Dysgu Gydol Oes yn rhagweld gorwariant net cyffredinol o £34mil. Y pwysau mwyaf arwyddocaol yw cyllideb Addysg Heblaw am yr Ysgol lle rhagwelir gorwariant o £781mil. Mae'r ddarpariaeth hon yn parhau i dderbyn nifer gynyddol o atgyfeiriadau ar gyfer plant ag ymddygiad heriol. Mae adolygiad mewnol o'r galw a'r costau yn parhau ond pwysleisiwyd, er bod hyn yn orwariant sylweddol, byddai'r gost yn llawer mwy pe bai disgyblion yn cael eu lleoli mewn lleoliadau y Tu Allan i'r Sir.

Yn gyffredinol, mae'r Gyfadran Cymunedau'n rhagweld tanwariant o £233mil. Y prif bwysau cost yn yr ardal hon yw Gwasanaethau Rheoli Gwastraff a Glanhau lle rhoddir gwybod am orwariant net o £382mil.

Mae gorwariant disgwylidig mewn triniaeth ailgylchu sych o £326mil, er bod hyn wedi lleihau'n sylweddol ar flynyddoedd blaenorol oherwydd cychwyn y contract ailgylchu sych newydd ym mis Gorffennaf 2017.

Hefyd mae gorwariant rhagamcanol o £126mil mewn perthynas â Safleoedd Amwynderau Dinesig, yn bennaf oherwydd cynnydd mewn tunelli o wastraff a chostau rhedeg. Mae costau rhedeg cerbydau ar gyfer yr holl rowndiau casglu yn dangos gorwariant o £265mil mewn perthynas ag atgyweiriadau, yswiriant cerbydau a thanwydd. Bydd y gorwariant hwn yn cael

ei wrthbwysu'n rhannol gan ostyngiad disgwylidig mewn caffael cerbydau'r flwyddyn ariannol hon a thanwariant staffio net o £362mil yn bennaf oherwydd swyddi gwag mewn glanhau strydoedd.

Mae yna gronfa untro corfforaethol wrth gefn o £800mil er mwyn darparu cefnogaeth dros dro ar gyfer pwysau costau mewn rheoli gwastraff. Nid yw'r arian hwn yn cael ei ryddhau ar hyn o bryd gan fod y Gyfadran Cymunedau yn rhagweld gwarged bach cyffredinol ar ei gyllideb referniw ar gyfer 2017/18.

Yn dilyn ystyriaeth a thrafodaeth, cynigiwyd ac eiliwyd bod yr argymhelliad yn yr adroddiad yn cael ei gymeradwyo. Cytunwyd ar hyn yn unfrydol drwy godi dwylo.

PENDERFYNWYD, am y rhesymau a gynhwysir yn adroddiad y Swyddogion, fod cabinet yn nodi'r wybodaeth sydd ynddo.

EITEMAU EITHRIO

Fe wnaeth yr aelodau ystyried brawf diddordeb y cyhoedd a daethant i'r canlyniad ar ôl ystyriaeth fod diddordeb y cyhoedd wrth gynnal yr eithriad yn gorbwysu diddordeb y cyhoedd wrth ddatgelu'r wybodaeth a:

PENDERFYNWYD yn unol â'r Ddeddf Llywodraeth Leol 1972 bod y cyhoedd yn cael eu heithrio o weddill y cyfarfod oherwydd y tebygolrwydd fod gwybodaeth eithredig yn cael eu datgelu fel y diffinir ym maragraffau 14 o Atodlen 12A o'r Ddeddf Llywodraeth Leol 1972.

8. DILEU DYLEDION DROS £20,000 - ÔL-DDYLEDION AAG

Ar 15fed Medi 2009, fe wnaeth y Cabinet gymeradwyo dull dilead diwygiedig ar gyfer dyledion sydd yn berthnasol, lle mae dyled yr unigolion yn fwy na £20,000.

Roedd yr adroddiad yn ceisio am gymeradwyaeth y Cabinet i ddileu dyled sy'n ddyledus sydd yn fwy na £20,000

Yn dilyn ystyriaeth a thrafodaeth, cynigiwyd ac eiliwyd bod yr argymhelliad a gynhwyswyd yn yr adroddiad yn cael eu cymeradwyo. Cytunwyd ar hyn yn unfrydol drwy godi dwylo.

PENDERFYNWYD am y rhesymau a gynhwysir yn adroddiad y Swyddog, fod yr argymhellion a gynhwysir yn 10.1 o'r adroddiad yn cael eu cymeradwyo.

Terfynwyd y cyfarfod am 3.05 p.m.

Cymeradwywyd a llofnodwyd ei fod yn gofnod cywir yn amodol ar unrhyw gywiriadau a wnaed yn y cyfarfod a gynhelir ar 13eg Rhagfyr 2017.